

الرياض



الأربعاء ٢١ شوال ١٤٢٦ هـ - ٢٣ نوفمبر ٢٠٠٥ م - العدد ١٣٦٦٦

عبدالله اللي عاهد النافع الضار الخير من يمه لفانا بشيره



www.alriyadh.com

عبدالله بن نايف بن عون

مبداي باسم اللي فرج عن هل الغار

اعوذ به وألوذ به واستخيره

وقدام تدريج المعاني بالاشعار

وعن لا يجي عندي من الأمر حيره

أخير ما اختاره ليا جيت ابا اختار

تعليقها في راس صقر الجزيره

حتى تجيني طوع من غير عسار

وتتقاد لي قود الجمل بالمريره

وعلقتها في راس دواس الأخطار
عبدالعزيز اللي فعوله شهيره
يوم إن بركان الفتن بالوطن ثار
ما فيه شبرن ما اشتعلبه سعيره
ولا للجنايز بين الاشرار قبار
ولابه عشيره تنفق مع عشيره
حناشل تاقف على كل معبار
وتحول الطرقي وتاخذ بعيره
من شرق فاجاها على هجن ومهار
مثل العقاب اللي شهر في مطيره
ما فيه طياره ولا فيه طيار
هجن هجاهيج وخيل مغيره
فوق الجياد وفوق نساع الأزوار
داس الخطر وأطلق حصار الأسيره
جاها صلاة الفجر والطير ما طار
بكل أبلج بيديه دلما قصيره
جوها من الأسحار وخذوا لها الثار
وعقب العرى لبست ثياب الستيره
ويوم احتضنها المؤمن العادل البار
قامت لخو نوره تغطرف منيره
حشيمة ما تقبل الذل والعار
وبه من بعض خطابها مستجيره
وغدالها عن كل حجير حجار
وسعى لها بالنصر والله نصيره
واستامننت بحماه عن كل غدار

وعن الشلل عالج اعضاها الضريه
احد الي جار الدار للدار دمار
واحد الي جا الدار شاد تعميره
والفيصلي للمملكه شاد الأعمار
حلحيل ما سوى سواياه غيرهه
صميدع جاها وهي تلتهب نار
وارسا قواعدها بعزم وبصيره
وعلى يد المنصور توحيدها صار
وظفا عليها الأمن في كل ديره
شيخ على السنه نهج النهج الابرار
وعلى مخالفتها يجر الجريره
عسى عضاه محرمات على النار
يوم أرتحل عنها نخر له نخيره
ونخيرته روس الميامين الاخير
على مساره يكملون المسيره
وكل حكم له دور من خمسة أدوار
وكل عدل في دوره اللي يديره
واليوم واحات مظاليل وانهار
بفضل الولي ثم بالجهود المنيره
الدولة اللي تحترم جيرة الجار
يوم بعض الحيران ياكل قصيره
ما ساد الاستعمار فيها ولا جار
ولا عاش فيها من بذوره بذيره
حره واهلها من على اولهم احرار
في ظل شذرات السيوف الشطيره

يوم ارتحل مسقى العدا كاس الامرار

فهد عسى الله عن عذابه يجيره

راح وبقت معنا حسانيه تذكار

وخلد لنا في قمة المجد سيره

كم مر في عهده من احداث كبار

وصارت كبايرها بعينه صغيره

اثقل على العدوان من ضلع سنجار

ولشعبه احلا من برايد غديره

واكمل مساره طيب الصيت والكار

كشاف خصات البيوت الفقيره

عبدالله اللي عاهد النافع الضار

الخير من يمه لفانا بشيره

العدل نهجه والتواضع له شعار

ونباه يجبر له عظام كسيره

على الفقارى مثل هتاف الامطار

وضاف على اوطان المحاويج خيره

وعنده لخصات المقلين منظار

وجزلات مداته عليهم كثيره

فاول بيان له بنشرات الاخبار

قال البيان اللي غمرنا عبيره

يقول مدوني بالانصاح والشار

ومن الدعا الصادق عطوني بريره

وحنا بنفحات التهجد بالاسحار

نطلب له التوفيق فيما يديره

وعضوده اللي فالمواجيب حضار

سواعده عند اشتعال الذخيره
الساعد الايمن ليا صار ما صار
سلطان زيزوم الدفاع ووزيره
سلطان أبو خالد له الرأي يندار
ولي عهد له واخوه وشويره
فالنايبات مجهزا كل مغوار
النائب الأول نزيه السريره
يقود جيش للوطن درع وستار
يصد به عنا الخطوب الخطيره
ونياية عني وعن كل من زار
حفل الرياض وباسم سلمان اميره
قدمت لي معذار ما هو بمقدار
ولا حقوقك يا بو متعب كبيره
وصلوا على سيد البشر سر وجهار
ما طوح الصقار ملواح طيره